

INUIT ATAQATIGIIT

Inatsisartuni



4. august 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Naalakkersuisut qinnuigineqarput paasissutissiissutigeqqullugu innuttaasut ilaat, illoqarfiit napparsimavillit avataanni najugaqartut, aamma naartusut milutsitsisulluunniit Covid-19-imut akiuussutissap taakkununga atorneqarsinnaanerata akuersissutigineqannginnerani siullermeertumik akiuussuserneqanngitsut qassiunersut.**
- 2. Naalakkersuisut qinnuigineqarput paasissutissiissutigeqqullugu naartusut milutsitsisullu illoqarfiit napparsimavillit avataanni najugaqartut akiuussusersorneqarnissaannut pilersaaruteqartoqarnersoq, taamaappallu tamatuma qaqugu ingerlanneqarnissaa ilanngullugu.**
- 3. Naalakkersuisut qinnuigineqarput innuttaasut, illoqarfiit napparsimavillit avataanni najugaqartut, qassit aappassaa akiuussusersorneqarsimannginneresut.**

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

26. juli 2021 pisortat nalunaarput Pfizer-BioNTechip Modernallu akiuussutissaliaannik naartusut milutsitsisullu aamma akiuussuserneqarnissamik neqeroorfigineqarsinnaalersut. Piffissaq taanna sioqqullugu nunaqarfinni isorliunerusunilu najugaqartut tikinneqarlutik akiuussusersorneqarput, tassungali naartusut milutsitsisullu ilaangillat.

Taamaattumik paaserusuppara innuttaasut naartusut milutsitsisullu illoqarfiit napparsimavillit avataanni najugaqartut akiuussusernissamik neqeroorfigineqarnissaannut pilersaarummik peqarnersoq taannaluunniit sananeqarnersoq. Tassunga soorunami ilaapput innuttaasut siullermeertumik akiuussuserneqarsimasut sulili aappassaanik akiuussuserneqanngitsut.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.